

TESOUROS, PROFANACIÓN DE TUMBAS E COSTUMES FUNERARIOS



FEIRA DA MADEIRA DE SANTA MARGARIDA Interpretada convencionalmente con fines didácticos por Carlos Afonso

A portada gótico-renacentista da capela de Santa Margarida –similar á porta travesa de Teixido–, de comezos do século XVI, construída por Fernando de Andrade e dona Inés de Castro e Lanzós, brasonada no alfiz hispano árabe (elemento medieval que deixou de empregarse cara a década de 1930), co porto e banda engolada de Andrade, é a perla do patrimonio de Nardón.

Dotada con tres casas e 10 ferrados de terras, tan concorrido era a mediados do século XVIII o hoxe esquecido Camiño de Santiago do Noroeste, que á capela empregaba dúas das casas a carón dun fermoso cruceiro, como hospedarías para pobres itinerantes e peregrinos que desde Viveiro, percorrían baixo a encomenda da Orde de San Xoán, os fermosos santuarios costeiros de santos e barcas de pedra de Ortigueira e Ferrol, como Teixido, O Trebo, O Bo Xesús, Santa Margarida, amén doutros, como Santa Comba, San Cristovo, ou Xuvia.

A feira da madeira de Santa Margarida se celebraba desde tempo inmemorial o 25 de xullo, día da patroa, no lugar máis poboado de O Val (ata o século XVIII). Na Feira de Santa Margarida artesáns e carpinteiros traficaban con todo tipo de utensilios de madeira, cuncas, pratos, mobles, zozas, sellas, toneis, apeiros para labranza, grades, aneiros, restrelos, xugos, arados, e con carros. Considerada entre as máis concorridas e especializadas feiras de Galicia, comezou a decaer a mediados do século pasado.

A fonte de Santa Margarida, representada aquí convencionalmente no mesmo plano, está algo afastada da capela. Unha escalinata de cantería conduce ata a fonte de dous 'tetos' baixo frontón coa cruz de San Xoán de Xerusalén. O dereito, baixo advocación de Santa Lucía, é avogoso –do latín abigere, "afastar (o mal)", para a vista. Homes e mulleres, lavaban nel os ollos, secando con paños deixados "a enxugar" no campoiro.

FERROL-ORTEGAL
PLAN DE DINAMIZACIÓN DE PRODUCTO TURÍSTICO

DEPUTACION DA CORUÑA

XUNTA DE GALICIA
CONSELLERÍA DE INNOVACIÓN E INDUSTRIA
Dirección Xeral de Turismo

UNIÓN EUROPEA
Fondo Europeo de Desenvolvemento Regional

GOBIERNO DE ESPAÑA

ASOCIACIÓN DE EMPRESARIOS DE HOSTALERÍA FERROL E COMARCAS

Cámara
Ferrol

MINISTERIO DE INDUSTRIA, TURISMO Y COMERCIO